

BILAG

Inuussutissarsiutigalugu aningaasaateqarfiit pillugit allannguutitut inatsisini
assigiinngitsuni aalajangersakkat ilaasa Kalaallit Nunaannut atuutilersinneqarnerat
pillugu peqqussut

UAGUT MARGRETHE AAPPAAT, Guutip saammaassineragut Danmarkip Dronningia, nalunaarpugut:

Piginneqatigiiffiit pillugit inatsimmi allanngueq pillugu inatsimmi nr. 262, 16. marts 2016¹-meersumi § 14, imm. 1-i, inuussutissarsiutigalugu suliffeqarfiit ilaat pillugit inatsit, inuussutissarsiutigalugu aningaasaateqarfiit pillugit inatsit aamma inatsisit assigiinngitsut allat (piginnittuusunik nalunaarsuinerup eqqunneqarnera), Kukkunersuiusarneq pillugu inatsimmik allanngueq pillugu inatsimmi nr. 631, 8. juni 2016²-meersumi § 15, imm. 2 aamma inatsisit allat (Tamanut soqutiginaatilinnut suliffeqarfinnik kukkunersuinerumt immikkut piumasaqaatit pillugit piumasaqaateqarnermik toqqagassaqaarnissamut periarfissat aamma kukkunersuusunut malittarisassiamik allannguinerit naammassineqarnerat), Aningaasalersuinermik ingerlataqarnermik inatsimmik allanngueq pillugu inatsimmi 665, 8. juni 2017³-meersumi § 22, imm. 3, aningasalersuinermik siunnersortit aamma initaarniarnermut taarsigassarsisitsisartunut ingerlatitseqqisartut pillugit inatsit aamma inatsisit assigiinngitsut allat (aningaasalersuinerumt atortunik (MiFID II) niuffaffiit pillugit malittarisassiamik naammassinninneq aamma aningaasalersuinerumt atortunik (MiFIF) il.il. niuffaffiit pillugit peqqussutip malitsigisaanik allanngueq), Qitiusumik Suliffeqarfinnik Nalunaarsuivik pillugu inatsimmik allanngueq pillugu inatsimmi nr. 1665, 26. december 2017⁴-meersumi § 9 aamma inatsisit assigiinngitsut allat (CVR-imi assigisaannilu inuit nammineq najugarisaannik tamanut nalunaarutiginninnerit pillugit maleruagassanik allannguinerit), piginneqatigiiffiit pillugit inatsimmik allanngueq pillugu inatsimmi nr. 676, 29. Maj 2018⁵-meersumi § 5, inuussutissarsiutigalugu suliffeqarfiit ilaat pillugit inatsit aamma inuussutissarsiutigalugu aningaasaateqarfiit pillugit inatsit (piginnittuunerumt nalunaarsuinerumt assigisaannullu piumasaqaatit allanngortitat) aamma piginneqatigiiffinnut inatsimmik allanngueq pillugu inatsimmi nr. 554, 7. Maj 2019⁶-meersumi § 14, imm. 1-i, suliffeqarfiit inuussutissarsiutaasut ilaat pillugit inatsit, inuussutissarsiutigalugu aningaasaateqarfiit pillugit inatsit aamma inatsisit assigiinngitsut allat (Aningaasanik peqquserluutunik malunnarunnaarsaasarneq pillugu aalajangersakkat tallimaata malitsigisaanik piginnittuusut pillugit maleruagassanik allanngueq) malillugit aalajangerneqarpoq:

§ 1. Inuussutissarsiutigalugu aningaasaateqarfiit pillugit inatsimmik allannguinerit, piginneqatigiiffiit pillugit inatsimmi allanngueq pillugu inatsimmi nr. 262, 16. marts 2016-meersumi § 3, inuussutissarsiutigalugu suliffeqarfiit ilaat pillugit inatsit, inuussutissarsiutigalugu aningaasaateqarfiit pillugit inatsit aamma inatsisit assigiinngitsut allat (piginnittuusunik nalunaarsuinerup eqqunneqarnera), Kukkunersuiusarneq pillugu inatsimmik allanngueq pillugu inatsimmi nr. 631, 8. juni 2016-meersumi § 4 aamma inatsisit allat (Tamanut soqutiginaatilinnut suliffeqarfinnik kukkunersuinerumt immikkut piumasaqaatit pillugit piumasaqaateqarnermik toqqagassaqaarnissamut periarfissat aamma kukkunersuusunut malittarisassiamik allannguinerit naammassineqarnerat), Aningaasalersuinermik ingerlataqarnermik inatsimmik allanngueq pillugu inatsimmi 665, 8. juni 2017-meersumi § 11, aningasalersuinermik siunnersortit aamma initaarniarnermut taarsigassarsisitsisartunut ingerlatitseqqisartut pillugit inatsit aamma inatsisit assigiinngitsut allat (aningaasalersuinerumt atortunik (MiFID II) niuffaffiit pillugit malittarisassiamik naammassinninneq aamma aningaasalersuinerumt atortunik (MiFIF) il.il. niuffaffiit pillugit peqqussutip malitsigisaanik allanngueq), Qitiusumik Suliffeqarfinnik Nalunaarsuivik pillugu inatsimmik allanngueq pillugu inatsimmi nr. 1665, 26. december 2017-meersumi § 4 aamma inatsisit assigiinngitsut allat (CVR-imi assigisaannilu inuit nammineq najugarisaannik tamanut nalunaarutiginninnerit pillugit maleruagassanik allannguinerit), Piginneqatigiiffiit pillugit inatsimmik allanngueq pillugu inatsimmi nr. 676, 29. Maj 2018-meersumi § 3, inuussutissarsiutigalugu suliffeqarfiit ilaat pillugit inatsit aamma inuussutissarsiutigalugu aningaasaateqarfiit pillugit inatsit (piginnittuunerumt

nalunaarsuinnermut assigisaannullu piumasaqaatit allanngortitat) aamma piginneqatigiiffinnut inatsimmik allanngineq pillugu inatsimmi nr. 554, 7. Maj 2019-meersumi § 3, suliffeqarfiit inuussutissarsiutaasut ilaat pillugit inatsit, inuussutissarsiutigalugu aningaasaateqarfiit pillugit inatsit aamma inatsit assigiinngitsut allat (Aningaasanik peqquserluutinik malunnarunnaarsaasaneq pillugu aalajangersakkat tallimaata malitsigisaanik piginnittuusut pillugit maleruagassanik allanngineq) atorlugit naammassineqartut, matumani peqqussummi § 2 naapertorlugu Kalaallit Nunaannut atuutilersinneqarput.

§ 2. Inuussutissarsiutigalugu aningaasaateqarfiit pillugit inatsimmik Kalaallit Nunaannut atuutilersitsineq pillugu Kunngip peqqusutaatigut nr. 485, 14. maj 2018-meersukkut Kalaallit Nunaannut atuutilersinneqartoq inuussutissarsiutigalugu aningaasaateqarfiit pillugit inatsimmi, tulliuuttut allannguutit suliarineqarput:

1. § 3-mi *imm.* 3-tut ikkunneqarpoq:

»*Stk.* 3. *Imm.* 2 malillugu peqqussummut ilaatinneqanngitsut imaluunniit *imm.* 1-i malillugu peqqussummi suliaasaqarfiup avataaniittunut aningaasaateqarfinnut piginnittuusunik nalunaarsuineq pillugu § 21 a atuuppoq.«

2. § 18 imatut allanneqarpoq:

»§ 18. Erhvervsstyrelsen-i allamik aalajangigaqanngippat Manna peqqussut naapertorlugu nalunaarsorneqarsimasut inuit atii pillugit paasissutissiineq Qitiusumik Suliffeqarfiit Nalunaarsuivianni qaqugukkulluunniit tamanut nalunaarutigineqassapput. Tamanna inuussutissarsiutigalugu aningaasaateqarfinnut ingerlasunut aamma uninnikunut atuuppoq.

Imm. 2. Manna peqqussut naapertorlugu inuit nalunaarsorsimasut najugaat pillugit paasissutissiinerit, inuup pineqartup, Qitiusumik Suliffeqarfinnik Nalunaarsuivimmi nalunaarsorsimasumi suliffeqarfimmi suliunnaarsimaneraniit ukiut tallimat ingerlareerserlugit Qitiusumik Suliffeqarfinnut Nalunaarsuivimmii tamanut nalunaarutigineqartassapput. Tamanna suliffeqarfinnut ingerlasunut unereernikunullu atuuppoq. Qitiusumik Inunnik Nalunaarsuivimmi atermik- aamma najukkamik illersorneqarnermik nalunaarsoqqasunut, inuup najukkami illersorneqarnerata Qitiusumik Suliffeqarfinnik Nalunaarsuivimmi atuutinnginnissaa pillugu Erhvervsstyrelsen-i noqqaassuteqarfiginngippagu, Qitiusumik Inunnik Nalunaarsuivimmi illersorneqarneq atuutsillugu, Qitiusumik Suliffeqarfinnik Nalunaarsuivimmi najugaq tamanut nalunaarutigineqassanngilaq. Inuit inuup normuanik pigisaqanngitsut Qitiusumik Suliffeqarfinnik Nalunaarsuivimmi najukkap illersorneqarnissaa pillugu Erhvervsstyrelsen-i noqqaassuteqarfigisinnaavaat.

Imm. 3. *Imm.* 2-mi 4. pkt. naggatit sisamaanni allasimasut naapertorlugit inunnut inuup normuanik pigisaqanngitsunut najukkamik illersuinnermut aamma najukkanik illersugaasunik ingerlatitseqqiinnerut periarfissat piumasaqaatillu sukumiinerusut Erhvervsstyrelsen-ip aalajangersussavai.

Imm. 4. Tamakkiisumik akisussaaffillit peqataasut, piginnittuusut aamma aqutsisunut ilaasortaasut *imm.* 1-imut aamma 2-mut ilaatinneqartut pillugit inuttut paasissutissanik nutarterineq, Qitiusumik Suliffeqarfinnik Nalunaarsuivimmi nalunaarsorneqartumi suliffeqarfimmi inuup pineqartup suliunnaarnerata ukiut tallimat kingorna atorunnaartarpoq.«

3. § 21-ip kingorna § 22-imi qulequtaq sioqqullugu ikkunneqarpoq:

»§ 21 a. Piginnittuusut pisinnaatitaaffii pillugit paasissutissat ilaatillugit, aningaasaateqarfiup piginnittuut pillugit paasissutissanik aningaasaateqarfik katersissaaq.

Imm. 2. Aningaasaateqarfiup piginnittuut, aningaasaateqarfiup noqqaassuteqarneratigut aningaasaateqarfik, aningaasaateqarfiup piginnittuut pillugit paasissutissanik, ilaatillugit, aningaasaateqarfiup katersussallugit pissaanermisut, piginnittuut pisinnaatitaaffii pillugit paasissutissanik pilersussavaa.

Imm. 3. Inuk piginnittuinngorsimasooq aningaasaateqarfiup ilisimalersimanerata kingorna, piaarnerpaamik, ilaatillugit piginnittuut pisinnaatitaaffii pillugit paasissutissat, Erhvervsstyrelsen-ip qarasaasiaqarfiani, aningaasaateqarfiup piginnittuut pillugit paasissutissat aningaasaateqarfiup nalunaarsussavai. Piginnittuut

pillugit nalunaarsukkani paasissutissani allannguut sunaluunniit, aningaasaateqarfiup allannguummik ilisimasaqalernerata kingorna piaarnerpaamik nalunaarsorneqassaaq.

Imm. 4. Piginnittuut pillugit paasissutissat nalunaarsukkat allannguuteqarsimanersut, aningaasaateqarfiup minnerpaamik ukiumut ataasiarluni misissortassavaa. Aningaasaateqarfiup ukiumoortumik naatsorsuutit pillugit ataatsimiinnerini ukiumoortumik misissuinerup inernerat saqqummiuttassavaa.

Imm. 5. Piginnittuunerup uninnerata kingorna ukiuni tallimani aningaasaateqarfiup piginnittuut pillugit paasissutissanut katersukkanut uppersaait aningaasaateqarfiup toqqorsivimmiitissavai. Aammattaaq kinaassusersiniaanermut misiliinerup naammassinerata kingorna ukiuni tallimani piginnittuut kinaassusersiniarnerannut misiliineq pillugit paasissutissanut katersukkanut uppersaait aningaasaateqarfiup toqqorsivimmiitissavai.

Imm. 6. Aningaasaateqarfiup piginnittuut pillugit paasissutissat qinnuteqartoqarneratigut aningaasaateqarfiup, ilaatillugit aningaasaateqarfiup piginnittuut kinaassusersiniarnermik aningaasaateqarfiup misiliisimanagera pillugu, politiit aamma unnerlussisussaatitaasunut tunniutissavai. Aammattaaq aningaasaateqarfiup paasissutissat eqqaaneqartut qinnuteqartoqarneratigut allanut piginnaatitaasut oqartussaasunut, taakkua oqartussaasut nakkutilliinermikk- imaluunniit misissuinerminnik isumaginninnissamut pisariaqartut nalilerpassuk, tunniutissavai.

Imm. 7. Politiit, unnerlussisussaatitaasut aamma allat piginnaatitaasut oqartussaasut akissarsissutaanngitsumik imm. 6-i naapertorlugu katersukkat imaluunniit imm. 3 naapertorlugu nalunaarsugaasut piginnittuut pillugit paasissutissat EU-mi naalagaaffiit ilaasortaasut allat piginnaatitaasuinut oqartussaasunut aamma aningaasalersuinerup isertortumik paasiniaasartuinut ingerlateqqissinnaavaat.

Imm. 8. Ilaatillugit styrelsenip qarasaasiaqarfiani paasissutissat suut aningaasaateqarfiup nalunaarsussera, Erhvervsstyrelsenip qarasaasiaqarfiani imm. 1, 3 aamma 5-i malillugit paasissutissat nalunaarsorneri, pissarsiareriaannaaneri aammalu tamanut nalunaarutigineqartarneri pillugit maleruagassanik sukumiinerusunik Erhvervsstyrelseni aalajangersaassaaq.

§ 21 b. Aningaasaateqarfimmik piginnittuut isigineqassaaq taanna imaluunniit taakku, tamaasa ataatsimut isigalugit toqqaannartumik imaluunniit toqqaannanngitsumik aningaasaateqarfimmik nakkutiginnittut imaluunniit allat piginnittuussutsumut assingusumik piginnaatitaaffillit, ilaatillugit

- 1) aningaasaateqarfiup siulersuisui, aamma
- 2) inuit immikkut salliutinneqartut, imaluunniit suli aningaasaateqarfimmit ilisimaneqanngitsunik aningaasaateqarfiup agguataagaanik inuulluuteqartunik, inuit eqimattat taakku, aningaasaateqarfiup pilersinneqarneranut imaluunniit ingerlanneqarneranut pingaarnertut soqutigisaqartuuppata.

§ 21 c. Inuussutissarsiutigalugu aningaasaateqarfimmik pilersitsinermi, § 12 naapertorlugu kingusinnerpaamik aningaasaateqarfimmik nalunaarsuinerup peqatigitillugu, aningaasaateqarfiup piginnittuut pillugit paasissutissat, ilaatillugit § 21 a, imm. 1-i naapertorlugu piginnittuut pisinnaatitaaffii pillugit paasissutissat, katersorneqarlutillu nalunaarsorneqassapput.

§ 21 d. Aningaasaateqarfiit § 21 a naapertorlugu piginnittuut pillugit paasissutissanik katersillutillu, toqqorsivinniitillutillu nalunaarsuisussat, noqqaassuteqartoqarnera malillugu, aningaasanik peqquserluutinik malunnaarsarneq pillugu inatsit kunngip peqqussutaatigut Kalaallit Nunaannut atuutsinneqartoq malillugu, sullittakkanik ilisimasaqalernissamik periaatsinik suliaqartussanik inunnik aamma suliffeqarfinnik, taakkua piginnittuut pillugit paasissutissanik pilersuissapput.

Imm. 2. Erhvervsstyrelseni aningaasaateqarfiup piginnittuut pillugit paasissutissanut nalunaarsukkanut naleqqiullugit naapertuutinninnerit pillugit aningaasanik peqquserluutinik malunnaarsarneq pillugu inatsit kunngip peqqussutaatigut Kalaallit Nunaannut atuutsinneqartoq malillugu, nalunaarutiginninnermik tigusaqaruni, Erhvervsstyrelseni § 17, imm. 1-i, aamma § 21 a, imm. 5-i naapertorlugit pissutsinik

misissuineramik suliaqassaaq. Aningaasaateqarfiup pissutsinik aaqqiinissaannut piffissarititamik Erhvervsstyrelseni aalajangersaasinnaavoq.

Imm. 3. Imm. 2 naapertorlugu misissuineranut peqatigitillugu, Erhvervsstyrelsenip qarasaasiaqarfiani nalunaarutiginninneq pillugu ilisimatitsissummik Erhvervsstyrelseni tamanut nalunaaruteqassaaq. Tamatuma tamanut nalunaarutigineqannginnerani, nalunaarutiginninneq pillugu ilisimatitsissummik tamanut nalunaaruteqarnermik siunertaq taamaaliornikkut maangaannartinneqassanngippat, nalunaarutiginninnermut naammagittaalliornissamut aningaasaateqarfik periarfissaqartinneqassaaq.«

4. § 41, *imm. 1-imi*, »EU-mi/EØS-imi nunami« allanngortinneqarpoq imaalillugu: »Den Europæiske Unionip iluani nunami imaluunniit aningaasalersuineranut suliaqassarfik eqqarsaatigalugu Unionip isumaqatigiissuteqarfigisaani, nunami«.
5. § 54, *imm. 2*, imatut allanneqarpoq:
»Imm. 2. Kukkunersuiusoq kukkunersuineranut allattaavimmik ingerlataqarpat, kukkunersuineranut allattaavik siulersuisut ataatsimiinnerini tamani saqqummiunneqartassaaq. Sunaluunniit allattaavimmut ilassutaasoq siulersuisunut ilaasortanik tamanit atsiorneqartassaaq.«
6. § 69-ip kingorna ikkunneqarpoq:
»§ 69 a. Tamat soqutigisaqarfiisa suliffeqarfiit kukkunersiorneqarnissaannut piumasaqaatit aalajangersimaqqissaartut pillugit Europa-Parlamentip aamma Rådip peqqussutaani (EU) nr. 537/2014, 16. april 2014-meersuni ilanngussaq 17-i, imm. 1-i apeqqutaatinnagu, § 59 naapertorlugu ukiumoortumik naatsorsuutit pillugit ataatsimiinnermi, kukkunersuineranut inatsimmi § 1 a, nr. 3, naqinneq a-mut ilaatinneqartumi inuussutissarsiuutigalugu aningaasaateqarfimmi siulersuisut, kukkunersuiusup taannaatiinnarnissaa toqqarsinnaavaat sivisunerpaamik
1) ukiunik 10-nik sivisussuseqartup naanerata kingorna kukkunersuineranut sunniuteqartumik tamat soqutigisaqarfiisa suliffeqarfiit kukkunersiorneqarnissaannut piumasaqaatit aalajangersimaqqissaartut pillugit Europa-Parlamentip aamma Rådip peqqussutaani (EU) nr. 537/2014, 16. april 2014-meersuni ilanngussaq 16-i, imm. 2-5-imut naapertorlugit suliarinnittussarsiuussinnermut periaaseq suliarineqarsimappat, ukiuni 20-ni, imaluunniit
2) ukiunik 10-nik sivisussuseqartup naanerata kingorna ukiumoortumik naatsorsuutit pillugit ataatsimiinnermi kukkunersuinerup suliarineqarnissaanut tamatuma saniatigut minnerpaamik kukkunersuiusoq alla ataaseq siulersuisut toqqarpassuk, ukiuni 24-imi.«
7. § 73-i imatut allanneqarpoq:
»§ 73. Atuakkanik, nalunaarsuiffinnik aamma allattaavinnik pilersitsinissamut aamma ingerlatsinissamut siulersuisut pisussaaffitsik naammassineraat pillugit, aammalu, kukkunersuiusoq taamaattunik ingerlataqaruni, kukkunersuineranut allattaavinnik saqqummiussinissaq atsiornissarlu pillugit maleruagassat naammassineqarnerisut kukkunersuiusup nakkutigissavai. Kukkunersuiusoq paasisaqaruni, pineqartut piumasaqaatit naammassineqarsimanningsut, aningaasaateqarfiit pillugit oqartussaasunut nassinneqartussamik, kukkunersuiusoq tamanna pillugu oqaaseqaasiamik immikkoortitamik suliaqassaaq.«
8. § 115, *stk. 1-imi*, nr. 2-p kingorna normutut nutaatut ikkunneqarput:
»3) § 21 a naapertorlugu aningaasaateqarfiup piginnittuutit pillugit paasisutissat nalunaarsorsimanngippagit imaluunniit aningaasaateqarfik amigartumik nalunaarsuineramik suliaqarsimappat,
4) § 21 a naapertorlugu aningaasaateqarfiup piginnittuutit pillugit paasisutissat nalunaarsorsimanngippagit imaluunniit aningaasaateqarfik amigartumik nalunaarsuineramik suliaqarsimappat,«

Nr. 3 aamma 4 tamatuma kingorna nr. 5 aamma 6-inngussapput.

9. § 132, imm. 1-imi 1. pkt., naggat siullermi, »§§ 5, 13 aamma 15,«-ip kingorna uku ikkunneqassapput: »§ 21 a, imm. 3, 5 aamma 6«.

§ 3. Peqqussutip atulersinneqarneranut piffissaq Erhvervsministerip aalajangissavaa, tamatumunngalu ilagitillugu piffissani assigiinngitsuni peqqussutip ilai assigiinngitsut atuutilersinneqarnissai aalajangersarsinnaallugit.

Imm. 2. Aningaasaateqarfinnut peqqussummut ilaatinneqartunut, aamma aningaasaateqarfiit immikkoortortaanni aqutsisuusunut taakkualu suliaasaannut ikaarsaarnermi aaqqiissutit pillugit maleruagassanik Erhvervsminister-i aalajangersaasinnaavoq.

Imm. 3. Inatsit malillugu atugassiarineqartutut najoqqutassat taakku Kalaallit Nunaannut atuutinngillat.

Amalienborgimi tunniunneqarpoq, ulloq ...

Kunngiussutsitsinnik Atsiorpugut Naqissusiillutalu

MARGRETHE R.

/ Simon Kollerup

Erhvervsmin.,
Erhvervsstyrelsen, j. nr. 2019-8103

¹ Inatsimmi nr. 262, 16. marts 2016-meersumi § 14, imm. 1-i, aalajangersakkanik tulliuuttunik imaqarpoq: »Inatsit Savalimmiunut aamma Kalaallit Nunaannut atuutinngilaq, kisianni Savalimmiuni aamma Kalaallit Nunaanni pissutsit apeqqutaallutik allannguutit ilaatillugit, kunngip peqqussutaatigut nunap ilaanut taakkununnga atuutilersinneqarsinnaalluni, taamaattoq tak. imm. 2 aamma 3.«

² Inatsimmi nr. 631, 8. juni 2016-meersumi § 15, imm. 2 tulliuuttumik aalajangersakkamik imaqarpoq: »Inatsit Kalaallit Nunaanni pissutsit apeqqutaallutik allannguutit ilaatillugit, kunngip peqqussutaatigut Kalaallit Nunaannut tamakkiisumik imaluunniit ilaannakuusumik atuutilersinneqarsinnaavoq.»

³ Inatsimmi nr. 665, 8. juni 2017-meersumi § 22, imm. 3 aalajangersakkamik tulliuuttumik imaqarpoq: »§§ 1-14, 16, 18 aamma 20 Kalaallit Nunaanni pissutsit apeqqutaallutik allannguutit ilaatillugit kunngip peqqussutaatigut Kalaallit Nunaannut tamakkiisumik imaluunniit ilaannakuusumik atuutilersinneqarsinnaavoq.»

⁴ Inatsimmi nr. 1665, 26. december 2017-meersumi § 9 aalajangersakkamik tulliuuttumik imaqarpoq: »Inatsit Savalimmiunut aamma Kalaallit Nunaannut atuutinngilaq, kisianni §§ 2-6 Kalaallit Nunaanni pissutsit apeqqutaallutik allannguutit ilaatillugit, kunngip peqqussutaatigut Kalaallit Nunaannut tamakkiisumik imaluunniit ilaannakuusumik atuutilersinneqarsinnaalluni.»

⁵ Inatsimmi nr. 675, 29. april 2018-meersumi § 3 aalajangersakkamik tulliuuttumik imaqarpoq: »Inatsit Savalimmiunut aamma Kalaallit Nunaannut atuutinngilaq, kisianni Kalaallit Nunaanni pissutsit apeqqutaallutik allannguutit ilaatillugit, kunngip peqqussutaatigut Kalaallit Nunaannut tamakkiisumik imaluunniit ilaannakuusumik atuutilersinneqarsinnaalluni.»

⁶ Inatsimmi nr. 554, 7. maj 2019-meersumi § 14, imm. 1-i aalajangersakkamik tulliuttumik imaqarpoq: »Inatsit Savalimmiunut aamma Kalaallit Nunaannut atuutinnigilaq, kisianni Savalimmiuni aamma Kalaallit Nunaanni pissutsit apeqqutaallutik allannguutit ilaatillugit, kunnqip peqqussutaatigut Savalimmiunut aamma Kalaallit Nunaannut atuutilersinneqarsinnaalluni, taamaattoq tak. imm. 2 aamma 3.«